

Danas potpisan sporazum o ekshumaciji i identifikaciji posmrtnih ostataka u Brčko Distriktu

Međunarodna komisija za nestale osobe (ICMP), Ured visokog predstavnika (OHR), predstavnici Vlade i Tužilaštva Brčko Distrikta, Komisija za traženje zarobljenih i nestalih lica Republike Srpske i Federalna komisija za nestale osobe potpisali su danas Operativni sporazum o ekshumaciji i identifikaciji posmrtnih ostataka u Brčko Distriktu.

Sporazum utvrđuje proceduru obavljanja zajedničkog procesa ekshumacija na teritoriji Brčko Distrikta.

“Zajednički proces ekshumacija i identifikacija između Komisije za traženje zarobljenih i nestalih lica Republike Srpske i Federalne komisije za nestale osobe je u toku na teritoriji Bosne i Hercegovine. Želimo da implementiramo uspješne odlike ovog modela u Brčko Distriktu. Nadam se da će ovaj proces pomoći da se riješe mnoge neizvjesnosti oko sudbine nestalih osoba i da će dovesti do završetka traganja za mnoge porodice nestalih koje traže svoje voljene.” – rekao je supervizor za Brčko, Ambasador Henry L. Clarke.

“Ovim sporazumom preduzimamo konkretne mjere kako bi se ublažila patnja porodica čiji su voljeni nestali. Sigurni smo da je nastavak saradnje između potpisnika od vitalnog značaja za pomoć porodicama nestalih i da će se dostojanstven i brz proces ekshumacija i identifikacija posmrtnih ostataka savjesno obaviti.” – rekao je Gordon Bacon, šef misije ICMP-a.

Ovaj Operativni sporazum za Brčko Distrikt uključuje obaveze

preuzete od strane entitetskih komisija za nestale osobe kao dio sarajevskog i banjalučkog sporazuma, koji su stvorili preduslov za međuentitetski zajednički proces ekshumacija. Proces zajedničkih ekshumacija prenijet je sa Ureda visokog predstavnika (OHR) na Međunarodnu komisiju za nestale osobe (ICMP) 1. januara 2001. godine.

Prošle godine je ekshumirano ukupno 2.600 posmrtnih ostataka. Ovo je najveći broj ekshumiranih slučajeva od kada je zajednički proces ekshumacija započeo 1997. godine.

Za detaljnije informacije molimo vas da se obratite višem službeniku ICMP-a za odnose sa javnošću, Saneli Tunović, na telefon ++387 (0) 33 218 660 ili ++387 (0) 61 225 238 ili službeniku OHR-a Brčko za odnose sa javnošću, Suzani Pejčić na telefon ++387 (0) 61 133 526.